

PLAN MULTIPLICIRANJA ČLANICA UDRUŽENJA POSLODAVACA U TUZLANSKOM KANTONU / ŽUPANIJI, U PERIODU: XII 2013. – V 2015.

CILJ JE: do 15.05.2015. godine imati 635 članica.

Imajući u vidu činjenicu da u okruženju ne postoji organizacija sa toliko zvaničnih članica, koje su se učlanile na dobrovoljnom i interesnom principu, ide u prilog promišljanju da je postavljeni cilj neostvariv. Međutim, imajući u vidu da na području TK ima registrovanih cca 20.000 privrednih društava, to znači da je za ostvarivanje postavljenog cilja potrebno animirati i učlaniti samo oko 3% poslovnih subjekata.

Učlanjivanje velikog broja poslovnih subjekata u UP TK nije potrebno samo zbog ostvarivanja programskih opredjeljenja i ciljeva, jačanja organizacije i potvrđivanja te snaženja reprezentativnosti. Učlanjivanje velikog broja poslovnih subjekata u UP TK, strategijom mrežnog marketinga i multipliciranja, potrebno je i zbog:

- a) preuzimanja i izvršavanja (bar minimalnih ali značajnih) obaveza od strane postojećih članica UP;
- b) učvršćivanja osjećaja pripadnosti organizaciji;
- c) naglašavanja osjećaja prava i odgovornosti;
- d) stalne i kontinuirane komunikacije među članicama i onim poslovnim subjektima koji to tek trebaju postati;
- e) održavanja prisutnosti imena i teme „UP TK“ odnosno „poslodavac“ u (poslovnoj) javnosti;
- f) održavanja stalne komunikacije između članica i Ureda UP, kroz proces „učlanjenje – članarina“;
- g) izbjegavanja okolnosti iz člana 21 stav 3 Statuta.

Za očekivati je, i bez posebnog koordiniranja i upravljanja, da u Udruženju budu prisutni poslodavci sa područja svih općina TK, jer je nemoguće da od 635 članica svih 13 općina ne budu zastupljene u zadovoljavajućem broju i strukturi članica.

	Trenutno stanje	KORAK 1	KORAK 2	KORAK 3	KORAK 4	KORAK 5	KORAK 6	NAPO- MENA
PROGRESIJA UČLANJIVANJA	5 X 2nova	10 X 2nova	20 X 2nova	40 X 2 nova	80 X 2nova	160 X 2nova	320	
UKUPNO ČLANOVA	5	15	35	75	155	315	635 članova na dan...	
ROKOVI ZA UČLANJENJE	/	15.11. 2013.	15.12. 2013.	15.02. 2014.	15.06. 2014.	15.12. 2014.	...15.05. 2015.	

STRATEGIJA:

1. **KORAK:** 5 postojećih najaktivnijih članica trebaju **do 15.11.13.** učlaniti po 2 nove članice, tako da ćemo do navedenog datuma imati **ukupno: 15 članica.**
2. **KORAK:** Tih 10 novih članica trebaju **do 15.12.13.g.** učlaniti takođe po 2 nove članice, tako da ćemo do navedenog datuma imati **ukupno: 35 članica.**
3. **KORAK:** Tih 20 novih članica trebaju **do 15.02.14.g.** učlaniti takođe po 2 nove članice, tako da ćemo do navedenog datuma imati **ukupno: 75 članica.**
4. **KORAK:** Tih 40 novih članica trebaju **do 15.06.14.g.** učlaniti takođe po 2 nove članice, tako da ćemo do navedenog datuma imati **ukupno: 155 članica.**
5. **KORAK:** Tih 80 novih članica trebaju **do 15.12.14.g.** učlaniti takođe po 2 nove članice, tako da ćemo do navedenog datuma imati **ukupno: 315 članica.**
6. **KORAK:** Tih 160 novih članica trebaju **do 15.05.15.g.** učlaniti takođe po 2 nove članice, tako da ćemo do navedenog datuma imati **ukupno: 635 članica.**

ZAKLJUČAK:

U **6** koraka, u periodu od **18** mjeseci, od **5** odabranih / najaktivnijih članica, broj članica će narasti na **635**, na način da svaka nova članica u zadanom roku učlani samo 2 nove članice.

Kako vrijeme bude prolazilo, odnosno kako se broj članica bude povećavao, na tržištu će ostajati sve manje „raspoloživih“ članica za animiranje za članstvo. Stoga su i periodi trajanja pojedinih koraka postepeno povećavani.

Tako je npr. za 1. korak na raspolaganju samo 20-ak dana; za 2. korak na raspolaganju je 30 dana; za 3. korak na raspolaganju je 60 dana; za 4. korak na raspolaganju je 120 dana; za 5. korak na raspolaganju je 180 dana; a za 6. korak na raspolaganju je nešto manje nego za 5. korak = 150 dana, jer je cilj da na Dan UP TK u 2015. godini (27.05.) obilježimo ispunjenje cilja: **635 članica Udruženja poslodavaca u Tuzlanskom kantonu !!!**

Jasno je da se ovdje nameće realan zaključak da svi članovi u lancu neće ispuniti preuzetu obavezu, ali taj nedostatak nadoknadit će oni koji će učlaniti iviše od 2 člana – a realno očekujemo da će biti značajan broj i takvih članica, jer su nam svrha postojanja i cilj zajednički.

